

SARS yi hlohlotella vathori ku landzelela siku ro pfala

Tshwane, Ravumbirhi 25 Mudyaxihi 2021 – Vukorhokeri bya Xibalo bya Afrika-Dzonga (SARS) yi hlohlotella vathori hinkwavo ku landzelerisa swiboho swa vona swa xinawu mayelana na Nguva yo Fayila ya Vathori ya lembe hi siku ro pfala ra ti 31 Mudyaxihi ku papalata mixupulo, ntswalo na / kumbe milandzu ya vugevenga.

Vathori va laveka ku rhumela Mitiviso ya vona ya Ndzinganiso wa Timali wa Muthori wa Lembe (EMP501) eka SARS, ku katsa na mitiviso ya n'hweti na n'hweti leyi kayiveleke (EMP201) na ndzinganiso wa timali wa lembe wa lembe leri nga hundza (EMP501).

Tihakelo ta Xibalo-Hi-Ku-Ya-Hi-Muholo (PAYE) ti fanele ku va ti ngenisiwe leswintshwa naswona switiviwa swa IRP5/IT3(a) leswi nyikiweke SARS swi fanele ku tiyisisiwa no va ntiyiso. Switiviwa swo lulama swi na nkoka leswaku leswaku SARS yi ngenisa vuxokoxoko ku sungula eka mitlheriso ya xibalo ya malinghena no hlelela vahakelaxibalo lava boxiweke hi ndlela leyi tiendlekelaka hi yoxe. Switiviwa swo lulama swi tlhela swi va na nkoka laha vahakelaxibalo va faneleke ku fayila ntlheriso, ku va kotisa ku endla tano hi vuxokoxoko byo lulama enkarhini wa nguva yo fayila ya vanhu hi voxe, leyi sungulaka hi ti1 Mawuwani.

SARS yi kombela vatirhi ku langutisa loko vuxokoxoko bya vona eka IRP5/IT3(a) loko byi lulamile.

Vaphakeri va switiviwa swa vandla ra vunharhu vo fana na swikimi swa mpfuneto wa swa vutshunguri na tibangi va tlhela va laveka ku rhumela vuxokoxoko bya ntiyiso no tiyisisiwa eka SARS na le ka titlilayete ta yona.

Leswi i swi swilaveko swa nkoka leswaku SARS yi kota ku nyika vukorhokeri lebyi kongomisiweke no rhelela eka vahakelaxibalo hi ku fambisana na xikongomelo xa hina xo endla swi olova eka vahakelaxibalo ku landzelerisa swiboho swa vona.

Vathori, vatokoti va swa xibalo na valawuri va nongonoko wa vathori va fanele va kopa vhexini ya sweswinyana ya Employers e@syFile. Chanele leyi ya ka inthanete yi pfumelela vathori kuy rhumela EMP501 hi ndlela ya xiekitroniki. SARS yi tlhela yi hlohlotella mabindzu lamatsongo, ma le xikarhi na lamakulu (tiSMME) ku tirhisa pulatifomo leti ku suka eka manyuwali ku ya eka tisisiteme ta nongonoko wa vatirhi leyi tiendlekelaka hi yoxe.

Valavi vo sungula va mitirho va nga titsarisela xibalo xa malinghena xa munhu hi yexe hi ku tirhisa eFiling. Swi teka nkarhi wa le hansi ka 24 wa tiawara ku amukela SMS

leyi nga na nomboro leyintshwa ya rheferense ya xibalo loko ku endliwile xikombelo hi ku tirhisa eFiling.

Ku kuma vuxokoxoko byo tala mayela na Nguva yo Fayila ya Vathori, endzela webusayiti ya SARS www.sars.gov.za